

Na osnovu člana 3. i 8. stav 1. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ broj 7/08), Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“ broj 6/10-Prečišćeni tekst), člana 23. stav 4. Zakona o proglašenju Spomenika prirode „Vrelo Bosne“ („Službene novine Kantona Sarajevo“ – broj 6/10-Prečišćeni tekst), člana 25. stav 3. Zakona o proglašenju zaštićenog pejzaža „Bijambare“ („Službene novine Kantona Sarajevo“ broj 6/10-Prečišćeni tekst), člana 25. stav 3. Zakona o proglašenju šireg područja vodopada „Skakavac“ Spomenikom prirode („Službene novine Kantona Sarajevo“ broj 11/10-Prečišćeni tekst) ministar Prostornog uređenja i zaštite okoliša, Kantona Sarajevo, donosi

## **P R A V I L N I K**

### **o zadacima i načinu obavljanja dužnosti nadzornika-čuvara prirode, izgledu uniforme, te obliku i sadržaju legitimacije nadzornika-čuvara prirode u Kantonalnoj javnoj ustanovi za zaštićena prirodna područja**

#### **OPŠTE ODREDBE**

##### Član 1.

Ovim Pravilnikom reguliše se ko može biti postavljen za nadzornika-čuvara prirode (u daljnjem tekstu nadzornik), zadaci i način obavljanja dužnosti nadzornika, izgled uniforme, te oblik i sadržaj legitimacije nadzornika u Kantonalnoj javnoj ustanovi za zaštićena prirodna područja.

##### Član 2.

Za nadzornika može biti postavljeno lice koje pored opštih uslova propisanih zakonom ispunjava i posebne uslove: da ima srednju stručnu spremu i šest mjeseci radnog staža.

##### Član 3.

Gramatička terminologija korištenja muškog roda u ovom Pravilniku podrazumijeva uključivanje oba roda (ravnopravnost spolova).

#### **ZADACI NADZORNIKA**

##### Član 4.

Osnovni zadaci nadzornika su slijedeći:

- vrši neposredni nadzor u zaštićenom području prirode u granicama obuhvata koji su opisani u članovima 3., 4., 5. i 6. Zakona o proglašenju Spomenika prirode „Vrelo Bosne“ („Službene novine Kantona Sarajevo“ broj 6/10-Prečišćeni tekst) i kontrolu mjera zaštite propisanih u članovima 10., 11., 12., 13. i 14. Zakona.
- vrši neposredni nadzor u zaštićenom području prirode u granicama obuhvata koji su opisani u članovima 2., 3., 5., 6., 8. i 10. Zakona o proglašenju zaštićenog pejzaža „Bijambare“ („Službene



novine Kantona Sarajevo“ broj 6/10-Prečišćeni tekst) i kontrolu mjera zaštite propisanih u članovima 12., 13., 14., 16., 17., 18., 19. i 20. Zakona.

- vrši neposredni nadzor u zaštićenom području prirode u granicama obuhvata koji su opisani u članovima 2., 3., 5. 6., 8., 11. i 12. Zakona o proglašenju šireg područja vodopada „Skakavac“ Spomenikom prirode („Službene novine Kantona Sarajevo“ broj 11/10) i kontrolu mjera zaštite propisanih u članovima 13., 14., 15., 17., 18. i 19. Zakona.

- sastavlja u toku službene radnje zapisnik i upozorenje, te da zapisnike dostavlja ovlaštenom licu za pokretanje prekršajnog postupka.

Nadzornici u obavljanju radnji iz ovog člana, saraduju sa pravnim i fizičkim licima koji u zaštićenim prirodnim područjima, obavljaju dopuštene djelatnosti (KJKP „ViK“ d.o.o. Sarajevo, KJKP „Park“, KJKP „Rad“, nadležnim općinama i dr.).

#### Član 5.

Ako nadzornik zatekne lice, koje vrši radnju suprotno odredbama Zakona, navedenih u članu 4. ovog Pravilnika, i drugih propisa donesenih na osnovu njih, Zakona koji reguliše pitanje komunalne čistoće, Pravilnika o uređivanju javnog prijevoza osoba zaprežnim vozilima-fijakerima („Službene novine Kantona Sarajevo“ broj 28/07), ima pravo zatražiti ličnu kartu i drugu ispravu na osnovu koje može utvrditi identitet te osobe, sačiniti zapisnik i podnijeti prijavu ovlaštenom licu za pokretanje prekršajnog postupka.

#### Član 6.

Nadzornik obavezno posjeduje Zakon o proglašenju Spomenika prirode „Vrelo Bosne“, Zakon o proglašenju zaštićenog pejzaža „Bijambare“ ili Zakon o proglašenju šireg područja vodopada „Skakavac“ Spomenikom prirode (u daljnjem tekstu Zakon, u zavisnosti za koje zaštićeno područje je postavljen za nadzornika), Zakon o zaštiti prirode („Službene novine Federacije Bosne i Hercegovine“ broj 33/03), ostale zakonske i podzakonske propise iz oblasti zaštite prirode, Zakon koji reguliše pitanje komunalne čistoće, Pravilnik o uređivanju javnog prijevoza osoba zaprežnim vozilima-fijakerima, kao i službenu knjigu-dnevnik u koju svakodnevno upisuju svoja opažanja i izvršene zadatke uz sedmičnu ovjeru direktnog rukovodioca.

#### IZGLED SLUŽBENE UNIFORME

#### Član 7.



Nadzornik vrši službu u uniformi, koja se određuje ovim Pravilnikom.

Uniformu nadzornika čini zimski i ljetni komplet.

1. Zimski komplet se sastoji od:

Zimske jakne - vjetrovka je uobičajenog kroja, postavljena štepanom postavom, pojačana vatelinom 200 gr/m (uložak na skidanje). Na prednjem dijelu vjetrovke su dva prsna džepa sa patnom koja se zakopčava drikerom, patna je sastavljena po enitaciju satla, na prednjici su dva donja džepa „kosi“. Jakna se kopča naprijed patent zatvaračem od poruba prema gore, zimska jakna je zelene boje k.b. 6186.

Rukavi su šireg kroja kako bi bio smješten uložak, a završetak uloška rukava je render. U porubu jakne uvlači se vrpca. U visokom okovratniku je kapuljača sa malim šiltom i dvostrukom regulacijom širine - zatvoreno čičak trakom.



Na leđima zimske jakne nalazi se logotip zaštićenog prirodnog područja i natpis nadzornik na površini (dimenzija 29,6 x 19,2 cm). Riječ "nadzornik" treba biti urađen pismom Franklin Gothic Heavy fontom 110.

Riječ "nadzornik" je plave boje kao što je logo Spomenika prirode „Vrelo Bosne“, odnosno narandžaste boje kao što je logo Zaštićenog pejzaža „Bijambare“ i zelene boje kao što je logo Spomenika prirode „Skakavac“.

Riječ "prirode" je bijele boje, i sva slova su obrubljena crnom bojom.

Na lijevom rukavu našiven je znak Kantona Sarajevo, a na desnom odgovarajući znak Javne ustanove i zaštićenog područja.

Svi detalji vjetrovke za žene izvedeni su kao i za mušku vjetrovku uz primjenu muškog kroja i razlike u veličini.

Boja : zelena k. b. 6186.

Materijal : Nepromočiv, prozračan.

Sirovinski sastav: 100% poliester PES

#### ZIMSKE PANTALONE

Pantalone su sportskog kroja, komotne radi ugodnosti. Imaju dva kosa džepa naprijed, jedan na desnoj strani sa patnom, na desnom i lijevom koljenu po jedan džep slagani sa patnama koje se kopčaju sa dva drikera.

Na nogavicama u porubu podavijeno uvučen je gajtan. Pantalone su postavljene štepexom sa mogućnošću skidanja.

Boja : zelena k.b.6186.

Materijal : Nepromočiv, prozračan.

Sirovinski sastav : keper 50 %, pamuk 50 %, PES, težina 240 gr/m<sup>2</sup>

#### KAPA ZIMSKA – PLETENA

Sirovinski sastav: mješavina vune i akrila

Boja: zelena k.b. 6186

#### DUBOKE CIPELE -ZIMSKE

Cipele gojzerice, gumeni đon, otporne na zimu i vlagu, služe za sve vremenske uslove. Profil potplata zimske obuće treba biti sa naglašenim prednjim dijelom i petom. Unutrašnji dio mora biti dodatno obložen zbog slijedeće funkcionalnosti: vodonepropusnost, omekšavajuća svojstva na prednjem i stražnjem dijelu stopala, trajna i izdržljiva povezanost ruba i potplata.

Cipela mora imati sistem cirkulacije zraka koji omogućava kruženje zraka pri svakom koraku.

Materijal: koža

Boja: crna

2. Ljetni komplet se sastoji od:

JAKNE kroja „vijetnamke“, na prsima dva džepa sa patnama, a na prednjem dijelu dva kosa džepa. Jakna je postavljena postavom. Kopča se feršlusom i drikerom. U donjem dijelu jakne uvlači se vrpca.

Na lijevom rukavu našiven je znak Kantona Sarajevo, a na desnom odgovarajući znak Javne ustanove i zaštićenog područja.



Boja: zelena k.b.6186

Materijal: keper

Sirovinski sastav : 50 % pamuk, 50 % PES

Na leđima ljetne jakne nalazi se logotip zaštićenog prirodnog područja i riječ "nadzornik" na površini (dimenzija 29,6 x 19,2 cm). Riječ "nadzornik" treba biti urađen pismom Franklin Gothic Heavy fontom 110.

Riječ "nadzornik" je plave boje kao što je logo Spomenika prirode „Vrelo Bosne“, odnosno narandžaste boje kao što je logo Zaštićenog pejzaža „Bijambare“ i zelene boje kao što je logo Spomenika prirode „Skakavac“.



Riječ "prirode" je bijele boje, i sva slova su obrubljena crnom bojom.

#### LJETNE PANTALONE

Krojevi muških i ženskih pantalona isti su kao i kod zimskih bez unutrašnjeg uloška.

Boja : zelena k.b. 6186

Materijal : nepromočiv, prozračan.

Sirovinski sastav : keper 50 %, pamuk 50 %, PES, težina 240 gr/m<sup>2</sup>

#### PRSLUK

Prsluk je uobičajenog kroja, postavljen sa fiksiranim štepexom (vatelinom 100 gr/m), na prsima dva džepa sa patnama, u donjem dijelu dva kosa. Kopča se sa feršlusom do kraja, pojačan sa drikerima.

Sa lijeve strane prsluka našiven je znak Kantona Sarajevo, a sa desne strane odgovarajući znak Javne ustanove i zaštićenog područja.

Boja : zelena k.b. 6186

Materijal : keper

Sirovinski sastav: 50 %, pamuk, 50 % PES.

Na leđima prsluka nalazi se logotip zaštićenog prirodnog područja i riječ "nadzornik" na površini (dimenzija 29,6 x 19,2 cm). Riječ "nadzornik" treba biti urađen pismom Franklin Gothic Heavy fontom 110.

Riječ "nadzornik" je plave boje kao što je logo Spomenika prirode „Vrelo Bosne“, odnosno narandžaste boje kao što je logo Zaštićenog pejzaža „Bijambare“ i zelene boje kao što je logo Spomenika prirode „Skakavac“.

Riječ "prirode" je bijele boje, i sva slova su obrubljena crnom bojom.

#### KOŠULJA DUGIH RUKAVA

Košulja je klasičnog kroja, naprijed dva džepa u prsnom dijelu sa patnama i sa naramenicama.

Na lijevom rukavu našiven je znak Kantona Sarajevo, a na desnom odgovarajući znak Javne ustanove i zaštićenog područja.

Boja : bež k.b. 8059

Sirovinski sastav: 67 % pamuk, 33 % PES.

#### KOŠULJA KRATKI RUKAV

Košulja je klasičnog kroja, na prsima dva našivena džepa sa patnama, sa naramenicama.

Na lijevom rukavu našiven je znak Kantona Sarajevo, a na desnom odgovarajući znak Javne ustanove i zaštićenog područja.

Boja : bež k.b. 8059

Sirovinski sastav: 67 % pamuk, 33 % PES

#### POLO MAJICA

Polo majica je sašivena u modelu polo s kragom i tri našivena dugmeta koji zatvaraju otvor majice što se proteže od vrata do pred kraj prsne kosti.

Na lijevom rukavu našiven je znak Kantona Sarajevo, a na desnom odgovarajući znak Javne ustanove i zaštićenog područja.


Sirovinski sastav : 100 % pamuk

Boja : bež k. b. 8059

Na leđima polo majice nalazi se logotip zaštićenog prirodnog područja i riječ "nadzornik" na površini (dimenzija 29,6 x 19,2 cm). Riječ "nadzornik" treba biti urađen pismom Franklin Gothic Heavy fontom 110.

Riječ "nadzornik" je plave boje kao što je logo Spomenika prirode „Vrelo Bosne“, odnosno narandžaste boje kao što je logo Zaštićenog pejzaža „Bijambare“ i zelene boje kao što je logo Spomenika prirode „Skakavac“.

Riječ "prirode" je bijele boje, i sva slova su obrubljena crnom bojom.



#### KAPA LJETNA - DŽOKEJ KAPA

Kapa kačket sa mogućnošću podešavanja obima glave sa logotipom područja.

Boja : zelena 6186

Materijal : keper

Sirovinski sastav: 50 % pamuk, 50 % PES, težine 240 gr/m

#### LJETNE CIPELE - PLITKE

Ljetna kožna cipela, đon gumeni

Boja: crna

#### KOŽNA CRNA TAŠNA SA PREKLOPOM I UNUTRAŠNJIM PREGRADAMA

Materijal: koža

Boja: crna

#### KAIŠ

Materijal: prirodna koža

Boja: crna

#### KRAVATA

Standardnog oblika sa gumom

Sirovinski sastav: 100% svila

Boja: zelena k. b. 6186

#### ČARAPE

Sirovinski sastav : 100 % pamuk ili konac

Boja : crne

#### KABANICA SA RUKAVIMA I KAPULJAČOM

Materijal : vodonepomoćiv

Boja : zelena k.b. 6186

### Član 8.

Uniformu mogu nositi i drugi zaposlenici Kantonalne javne ustanove za zaštićena prirodna područja, ako sudjeluju u obavljanju poslova nadzora u zaštićenom području, a na način uređen aktom Kantonalne javne ustanove.

Službena uniforma ne može se koristiti pojedinačno u kombinaciji sa civilnom odjećom.


### Član 9.

Zimska uniforma nosi se u pravilu od 15. oktobra do 30. aprila, a ljetna od 01. maja do 14. oktobra, osim ako direktor Kantonalne javne ustanove za zaštićena prirodna područja zavisno od vremenskih uslova ne odredi drugačije.

Nadzornici samostalno odlučuju koje će dijelove službene odjeće nositi određenog dana, ali uvijek barem na jednom od odjevnih predmeta mora biti vidljiv znak zaštićenog područja i znak Kantonalne javne ustanove.

Kantonalna javna ustanova za zaštićena prirodna područja (u daljnjem tekstu: Ustanova) svojim općim aktom utvrdit će količinu, rok trajanja i koji način primjene dijelova uniforme i opreme za higijensko tehničku zaštitu nadzornika.

O izdanoj uniformi, odjeći i obući vodi se evidencija u Ustanovi.



## Član 10.

### OBLIK I SADRŽAJ LEGITIMACIJE

Ovlaštenje za vršenje poslova nadzornika, nadzornik dokazuje legitimacijom.

Službena legitimacija smije se koristiti samo u okviru nadležnosti i ovlaštenjima bavljena poslova neposrednog nadzora, shodno Zakonima, Zakonu o zaštiti prirode i Pravilnicima donesenim na osnovu istih, Zakona koji reguliše pitanje komunalne čistoće i Pravilnika o uređivanju javnog prijevoza osobama zaprežnim vozilima-fijakerima.

## Član 11.

Svaka zloupotreba legitimacije povlači disciplinsku i krivičnu odgovornost. Zabranjeno je davati legitimaciju drugim osobama na korištenje.

## Član 12.

Službena legitimacija nadzornika je pravougaonog oblika dimenzija 90 x 60 mm, štampana na polukartonskom papiru, bijele boje i mora biti plastificirana.

U gornjem lijevom uglu prednje strane legitimacije je otisnut grb Kantona Sarajevo.

U gornjem desnom uglu legitimacije je otisnut znak Ustanove.

Između znakova otisnut je centriran dvoredni natpis „Bosna i Hercegovina“, „Federacija Bosne i Hercegovine“, „KANTON SARAJEVO“, naziv Ustanove, a ispod u sredini službena legitimacija nadzornika.

S lijeve strane legitimacije, ispod natpisa „legitimacija“ je fotografija nosioca legitimacije, dimenzija 28 x 24 mm, preko koje se utiskuje pečat Ustanove.

Ispod fotografije se upisuje broj legitimacije.

S desne strane od fotografije, u istom nivou upisuje se ime, ispod imena upisuje se prezime, a ispod prezimena JMBG nosioca legitimacije i datum izdavanja legitimacije.

U donjem desnom uglu je potpis lica ovlaštenog za izdavanje iskaznice.

Poledina legitimacije sadrži tekst ovlaštenja iz člana 4. i 5. ovog Pravilnika.

Obrazac službene legitimacije sastavni je dio ovog Pravilnika.

## Član 13.


Službenu legitimaciju nadzornika izdaje direktor Ustanove, na osnovu rješenja o rasporedu nadzornika na radno mjesto i o izdatim službenim legitimacijama Ustanova vodi odgovarajuću evidenciju.

Evidencija sadrži ime i prezime nadzornika kojem je izdana legitimacija, broj legitimacije i evidencijski broj, datum izdavanja, datum povratka odnosno poništenja legitimacije, potpis nadzornika, potpis osobe koja vodi evidenciju, te rubriku za napomene.

## Član 14.

Ako legitimacija zbog dotrajalosti, oštećenja ili zbog izmjene izgleda njenog imaoca, ne može služiti svojoj namjeni ili ako dođe do promjene podataka ili sadržaja, imalac legitimacije je dužan da se javi ovlaštenoj osobi u Ustanovi radi zamjene iste.

Ako imalac legitimacije izgubi legitimaciju ili na drugi način ostane bez nje, dužan je uz pismeno obrazloženje o njenom nestanku, od ovlaštene osobe u Ustanovi zatražiti izdavanje nove legitimacije.



Nova legitimacija može se izdati nakon što izgubljena ili na drugi način nestala legitimacija bude oglašena nevažećom u „Službenim novinama Kantona Sarajevo“.

Po prestanku rada na radnom mjestu za koje mu je bila potrebna legitimacija, imalac legitimacije dužan je istu vratiti Ustanovi.

## ZAVRŠNE ODREDBE

### Član 15.

Ovim Pravilnikom stavlja se van snage Pravilnik o zadacima i načinu obavljanja dužnosti glavnog nadzornika/nadzornika, izgledu uniforme, te obliku i sadržaju legitimacije glavnog nadzornika/nadzornika u Kantonalnoj javnoj ustanovi Spomenik prirode "Vrelo Bosne" Sarajevo, ("Službene novine Kantona Sarajevo" broj 15/09).

### Član 16.

Ovaj Pravilnik stupa na snagu danom donošenja, a objaviće se u „Službenim novinama Kantona Sarajevo“.

Broj: 05-02-18912/10 III  
Sarajevo, 27.12.2010. godine

**MINISTAR**  
**Abid Jusić, s.r.**